



Inatsisartuni ilaasortaq
Hans Aronsen, Inuit Ataqtigiit

Inuussutissat pillugit § 37 naapertorlugu apeqquteqaammut nr. 124-2022-mut akissut

Asasara-Hans Aronsen

Inatsisartut Suleriaasianni § 37, imm. 1 naapertorlugu inuussutissat pillugit Naalakkersuisunut apeqquteqaateqarputit. Apeqqutitit uannit akisassanngorlugit innersuunneqarput.

1. Nunatsinni sinerissamiik kalaaliminernik imminut pilersornermi siammarterinissaq siunertaralugu ukiumi aasamilu immakut silaannakkullu assartuussineq qanoq ittut pilersinneqarsinnaava?

Akissut: Ineqarnermut Attaveqaasersuutinullu Naalakkersuisoqarfik akissuteqartinneqarpoq. Ineqarnermut Attaveqaasersuutinullu Naalakkersuisoqarfik ilisimatitsivoq:

”

Inuussutissanik umiarsuarmik timmisartumillu nuna tamakkerlugu inuussutissanik assartuinissamut periarfissaqarpoq.

Ittoqqortoormiimut tunngatillugu itisiliiffigalugu ilisimatitsissutigineqarsinnaavoq, Royal Arctic Line-miit taamaallaat ukiumut marloriarluni tikittoqartarmat, pisut ilaani timmisartukkut assartuussinissaq pisariaqarsinnaammat.

Aallarnissat aalajangersimasut taakkulu amerlassusissaat Air Greenlandimit aamma Royal Arctic Line-mit ilisimatitsissutigineqarsinnaapput, aammalu ingerlatseqatigiiffinniit sorpiaat neqeroorutaasinnaanersut ilisimatitsissutigineqarsinnaallutik.

”

2 Ilanngullugu kalaaliminernik Ittoqqortoormiiniik Danmarkikkoortunik Islandikkoortunillu nassiussineq kitaanut periarfissaqarpa?

Akissut: Aalisarnermut Piniarnermullu Naalakkersuisoqarfik aamma Kalaallit Nunaanni Umasut Nakorsaqarfia Inuussutissalerinermullu Oqartussaarfik akissuteqartinneqarput. Aalisarnermut Piniarnermullu Naalakkersuisoqarfik

Brevdato: 23-06-2022
Sagsnr.: 2022 - 12686
Akt-id: 20401885

Postboks 1614
3900 Nuuk
Tlf.: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

aamma Kalaallit Nunaanni Uumasut Nakorsaqaarfia Inuussutissalerinermullu Oqartussaqaarfik ilisimatitsipput:

”

*Inuussutissanik najukkaneersunik Kalaallit Nunaanni assartuussisarnermut tunngatillugu, suliffeqarfiit, inuussutissarsiutigalugu inuussutissanik suliarinnittut, toqqortarinnittut, **assartuisut** nioqquteqartulluunniit Naalackersuisunit akuerineqarsimasussaapput, tak. Suliffeqarfiit inuussutissaleriffiusut pillugit Namminersornerullutik Oqartussat nalunaarutaanni nr. 21-mi, 27. juli 1998-imeersumi § 3, imm. 1. Suliffeqarfik akuerineqassaguni, nalunaarummi matumani piumasqaatinik naammassinissimasussaavoq.*

Kalaalimineerniarfiit suliffeqarfiit inuussutissaleriffiit akuerineqarsimanissaannut piumasqaammut ilaatinneqanngillat, kisiannili “Kalaalimineerniarfinniit” inuussutissanik tuniniaaneq taamaallaat nunaminertamit kommunalbestyrelsimit innersuunneqarsimasumiit pisinnaavoq, tak. nalunaarut taaneqartoq. Nerisassiassanik najukkaneersunik tuniniaaneq taamaallaat taakkunanngaanniit pisinnaavoq.

Tassalu nerisassiassanik najukkaninngaanneersunik niuerneramik tunngaveqarlutik tunisassiortut suliffeqarfittut inuussutissaleriffittut akuerineqarsimagunik inuussutissanik taamaattunik Kalaallit Nunaata iluani nassiussisinnaapput assartuussititsisinnaallutillu.

Tamatuma saniatigut pisassanik killilersukkanik assigiinngitsunik piniarnissamut tunisinissamullu piumasqaateqartoqarpoq taakkulu imminerminni inuussutissanik najukkaneersunik tunisinissaq siunertaralugu / niuerneramik tunngaveqarluni assartuussisoqarsinnaaneranut killilersuereerput. Tamatumunnga atatillugu ukununnga innersuussisoqarpoq:

- 1. Nannunik piniarneq illersuinerlu pillugit Namminersorlutik Oqartussat nalunaarutaat nr 3, 14. september 2018-imeersoq, taassumalu ataani § 15, imm. 2*
- 2. Timmissanik illersuineq piniarnerlu pillugit Namminersorlutik Oqartussat nalunaarutaat nr. 17, 28. Oktober 2019-imeersoq, taassumalu ataani § 18 aamma § 22.*
- 3. IWC-mi aalajangersakkat, tassanilu allassimavoq, taamaallaat atuineq najukkami pisinnaasoq.*
- 4. Qilalukkanik qaqortanik qernertanillu illersuineq piniarnerlu pillugit Namminersorlutik Oqartussat nalunaarutaat nr. 3, 27. januar 2017-imeersoq, taassumalu ataani § 21 aamma § 23.*
- 5. Aavernik illersuineq piniarnerlu pillugit Namminersornerullutik Oqartussat nalunaarutaat nr. 20, 27. oktober 2006-imeersoq, taassumalu ataani § 10, imm. 4.*
- 6. Nunat tamat akornanni uumasut nujuartat aamma nunami naasut nungutitaanissamut ulorianartorsiortitaasut niuerutigineqartarnerat pillugu isumaqatigiissut (Washington-imi isumaqatigiissut/CITES) 3. marts 1973-imeersoq tunngavigalugu uumasut nujuartat aamma nunami naasut*

*il.il. anninneqartarnerat eqqunneqartarnerallu pillugit Namminersorne-
rullutik Oqartussat nalunaarutaat nr. 12, 13. september 2004-meersoq*

7. *Pinngortitaleriffiup immami uumasunut miluumasunut nannunullu tunn-
gatillugu piujuartitsinissamut nalunaarutaa.*
8. *Puisinik tunisassianik eqqussinissamut annissinissamullu EU-p peqqus-
sutaa 2015-imeersoq, aavernik ilaatitsiffiusoq. Inuit ilaatinneqanngin-
neri, ilaatigut Kalaallit Nunaannut atuutsinneqartoq apeqqutaatinnagu,
EU-p aavernit tunisassianik eqqussinissaq inerteqqutigaa, tak. EU-p CI-
TES-imik atuutsitsilernermet maleruagassiai.*

”

Aammattaaq § 37 naapertorlugu arferit neqaannik Tunumiit Danmarkimut
eqqussinissamik inerteqquteqarneq pillugu apeqquteqaammut nr. 155-2021-mut
akissut takuuk.

Nunalerinermut, Imminut Pilersornermut, Nukissiutinut Avatangiisinullu
Naalakkersuisoqarfimmiit aamma Inuussutissanut Aqutsisoqarfik, Aalisarnermut
Piniarnermullu Naalakkersuisoqarfik aamma Kalaallit Nunaanni Uumasut
Nakorsaqarfia Inuussutissalerinermullu Oqartussaqaarfik aqputigalugit
akissuteqartinneqarpoq. Inuussutissanut Aqutsisoqarfik ilisimatitsivoq:

”

*Inuussutissanut Aqutsisoqarfimmiit ilisimatitsissutigineqarpoq, piumasqaatit
uku naammassineqarsimappata, kalaaliminernik Danmark imaluunniit Island
aqputigalugu nassiussisoqarsinnaasoq:*

1. *Inuussutissat nassiunneqartut containerinut poortuutinulluunniit
suliffeqarfinniit paarnaarsaatai naqissusikkanut ikillugit
nassiunneqassapput.*
2. *Paarnaarsaatit naqissusikkat normui nassiussat allagartaani
allassimassapput. Nassiussat allagartaanni paasissutissat, tassungalu
paarnaarsaatinut naqissusikkanut paasissutissat assartuussisup
nassiussanut uppernarsaataani (manifest) allassimassapput.*
3. *Inuussutissat taamaallaat EU-mut ilaasortaaffeqarfimmi (soorlu
Danmarkimi imaluunniit Islandimi) allamut usiliunneqarsinnaapput,
nunami allamut usiliussiffiusumi piffissaq usiliussiffiusoq;
a. mittarfimmiinnermi ullut pingasut qaangerneqanngippata¹*

¹) tak. Europa-Parlamentimut maleruagassat tapiliussat pillugit Ataatsimiititaliarsuup suliaakkiissutitut
peqqussutaani artikel 13, imm. 1, (EU) 2019/2124, 10. oktober 2019-imeersoq, aamma Siunnersuisoqatigiit
peqqussutaat (EU) 2017/625, uumasut nioqqutissallu nassiussat akunnitsinneqartut, allamut
usiliunneqartut aamma EU aqputigalugu igeqqinneqartussat pisortatigoortumik nakkutigineqarnerinut
maleruagassanut tunngatillugu aamma Ataatsimiititaliarsuup peqqussutaanut allannguutit (EF) nr.
798/2008, (EF) nr. 1251/2008, (EF) nr. 119/2009, (EU) nr. 206/2010, (EU) nr. 605/2010, (EU) nr. 142/2011,
1) tak. Europa-Parlamentimut maleruagassat tapiliussat pillugit Ataatsimiititaliarsuup
suliaakkiissutitut peqqussutaani artikel 13, imm. 1, (EU) 2019/2124, 10. oktober 2019-imeersoq,

b. *umiarsualivimmiinnermi ullut 30-t qaangerneqanngippata*¹

Inuussutissat Kalaallit Nunaannut utertinneqassapput, taamaalillutillu EU-mut ilaasortaaffeqarfimmu eqqunneqarsinnaanngillat, imaluunniit nunamut EU-mut ilaasortaanngitsumut allamut ingerlateqqillugit assartuunneqarsinnaanatik. Imm. 1-3, matuma siuliani allassimasut malinneqanngippata nunami allamut usiliussiffiusussami oqartussaasut piginnaaneqartut sullissisoq peqqussavaa, nassiussat piuneeruteqqullugit imaluunniit uninngatinneqaratik EU-mut ilaasortaaffimmiit peerneqarnissaat qulakkeeqqullugu².

”

3. Kalaaliminernik katersuiviusinnaasunik sinerissamullu siammarterisinnaasunik, pisariaqarpallu Inuussutissalerinermut inatsimmut naapertuutikannersumik imaluunniit pileriaatsitinnik allanngortiterinngitsumik illersorneqartumik sinerissami pilersitsisoqarsinnaava? Sumiiffiilu sorliit piukkunnarsinnaappat.

Akissut: Naalackersuisuniit inuussutissanik nunatsinniittunik ineriartortitsinissamut periarfissat atuinissamullu periarfissat ineriartortinneqarnissaannik suliaqarnissaq pingaartinneqarpoq, tassungalu sinerissami illoqarfinnut nunaqarfinnullu siaruarterisarneq ilaatinneqarpoq. Qitiusoqarfinnik, inuussutissanik najukkaneersunik siaruarteriffiusinnaasunik pilersitsisoqassappat, taakku najukkani nukinnik pigisaqartunit, qitiusoqarfiit niuerneramik tunngaveqarluni ingerlannissaannut pisariaqartunik ilisimasaqartunit aningaasaateqartunillu ingerlanneqassapput. Naalackersuisuniit ilisimatitsissutigineqarsinnaavoq, qitiusoqarfiit, niuerneramik tunngaveqarluni ingerlanneqartut taakku *inuussutissat pillugit Inatsisartut inatsisaat nr. 24, 28. november 2019-imeersoq* tunngavigalugu ingerlanneqartussaammata.

Inussiarnersumik inuulluaqqusillunga


Kalistat Lund

aamma Siunnersuisoqatigiit peqqussutaat (EU) 2017/625, uumasut nioqputissallu nassiussat akunnitsinneqartut, allamut usiliuinneqartut aamma EU aqputigalugu igeqqinneqartussat pisortatigoortumik nakkutigineqarnerinut maleruagassanut tunngatillugu aamma Ataatsimiititaliarsuup peqqussutaanut allannguutit (EF) nr. 798/2008, (EF) nr. 1251/2008, (EF) nr. 119/2009, (EU) nr. 206/2010, (EU) nr. 605/2010, (EU) nr. 142/2011, (EU) nr. 28/2012, Ataatsimiititaliarsuup atuutsilersinnermut peqqussutaa (EU) 2016/759 aamma Ataatsimiititaliarsuup aalajangiinera 2007/777/EF.

²⁾ tak. Ataatsimiititaliarsuup suliakkiissutitut peqqussutaani artikel 13, imm. 4, (EU) 2019/2124, 10. oktober 2019-imeersoq.